

UPRAVA POLICIJE, MINISTARSTVO UNUTRAŠNJIH POSLOVA KANTONA SARAJEVO, ul. La Benevolencija broj 16, ID broj: 4200220350146 koju zastupa policijski komesar, Generalni inspektor policije Nusret Selimović (u daljem tekstu: Korisnik usluga)

i

OD ILMA, Bosanska 3/VIII, ID broj: 4303632130004, koju zastupa vlasnica Muradija Babović, (u daljem tekstu: Davalac usluga)

zaključili su:

UGOVOR O PRUŽANJU USLUGA IZRADA I OVJERE ZAVRŠNOG RAČUNA ZA 2022. GODINU

Član 1.

Predmet ovog ugovora je pružanje računovodstvenih usluga: usluga izrade i ovjere završnog računa za 2022. godinu za potrebe Uprave policije Ministarstva unutrašnjih poslova Kantona Sarajevo.

Član 2.

Nabavka je izvršena putem direktnog sporazuma, na osnovu odluke broj 02-11-4-835/23 od 10.02.2023. godine.

Ponuda Davaoca usluga broj: 01-08/2023 od 24.02.2023. godine je sastavni dio ovog ugovora.

Član 3.

Ukupna cijena predmetne nabavke iznosi do 500,00 (petstotina i 00/100) KM bez PDV-a. Davalac usluga se obavezuje da se cijene iz Ponude neće mijenjati do isteka ovog ugovora.

Član 4.

Davalac usluga se obavezuje da će za potrebe Korisnika usluga izraditi i ovjeriti završni račun za 2022. godinu, a u skladu sa Zakonom o računovodstvu i reviziji FBiH („Službene novine FBiH“, broj: 15/21).

Davalac usluge se obavezuje da će po zahtjevu Korisnika usluga pristupiti vršenju usluge iz člana 1. ovog ugovora počev od dana obostranog potpisivanja ugovora najkasnije do 28.02.2023. godine, kada se najkasnije pripremljeni i ovjereni obrasci završnog izvještaja imaju predati nadležnoj agenciji.

Usluge će se vršiti na adresi Korisnika usluga, Zmaja od Bosne 9, Sarajevo.

Član 5.

Davalac usluga je dužan blagovremeno pružiti ugovorene usluge iz člana 1. ovog Ugovora po profesionalnim, stručnim i uobičajenim standardima koji važe za vrstu usluga koje su predmet nabavke.

Davalac usluga se obavezuje da će izvršiti predmetnu uslugu u Zakonom utvrđenom roku.

Korisnik usluga se obavezuje da će omogućiti uvid u računovodstvenu dokumentaciju, koja je predmet ovog Ugovora.

Član 6.

Davalac usluga se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Odgovornost za kvalitet izvršene usluge snosi Davalac usluga.

Ukoliko se konstatuju određeni nedostaci u kvalitetu ili kvantitetu izvršenih usluga Korisnik usluga ima pravo od Davaoca usluga zahtjevati da otkloni uočene nedostatke.

Način i rok otklanjanja grešaka bit će utvrđen zapisnikom o reklamaciji.

Član 7.

Usluga će se smatrati uredno izvršenom tek kada bude konstatovano da su usluge izvršene bez primjedbi.

Korisnik usluga se obavezuje da će platiti račun/fakturu za uredno izvršene usluge iz člana 1. ovog ugovora, uz dostavljeni izvještaj/zapisnik o kvalitativnom i kvantitativnom prijemu izvršenih predmetnih usluga, u roku od 30 (trideset) dana od dana prijema na tekući račun Davaoca usluge.

Član 8.

Ukoliko Korisnik usluga ocijeni da Davalac usluga nije u stanju kontinuirano i kvalitetno izvršavati preuzete obaveze, odnosno ukoliko ponuđene usluge nisu u skladu sa Zakonom iz člana 4. ovog ugovora i datom ponudom iz člana 2. ovog ugovora, Korisnik usluga može jednostrano, bez saglasnosti Davaoca usluga, raskinuti ovaj ugovor.

Ugovorni organ zadržava pravo raskida ugovora ukoliko usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Davaoca usluga.

Član 9.

Ugovorne strane se obavezuju, da za vrijeme trajanja ovog ugovora, kao i nakon prestanka njegovog važenja, u skladu sa zakonom, neće objaviti nikakvu povjerljivu informaciju koja se odnosi na predmet Ugovora ili poslovanje ugovornih strana.

Član 10.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 11.

Sve eventualne nejasnoće nastale po ovom ugovoru, ugovorne strane će rješavati sporazumno. Ukoliko to nije moguće, za sve eventualne sporove nastale po ovom ugovoru nadležan je sud u Sarajevu.

Član 12.


Ovaj ugovor je zaključen, kada isti potpišu obje ugovorne strane i počinje se primjenjivati od dana obostranog potpisivanja.

Ugovor se smatra ispunjenim kada ugovorne strane sve svoje obaveze u cjelosti izvrše.

Član 13.

Ovaj ugovor je sačinjen u četiri (4) primjerka, od kojih svaka ugovorna strana zadržava po dva (2) primjerka.

**DAVALAC USLUGA
OD ILMA**


vlasnica Muradija Babović

**KORISNIK USLUGA
MUP KANTONA SARAJEVO
UPRAVA POLICIJE**


POLICIJSKI KOMESAR
Generalni inspektor policije
Nusret Selimović

Broj: 02-01/2023

Datum: 27.02.2023.

Broj: 02-11-4-835-3/23

Datum: 24.02.2023. godine